



## COLEGIO ARUBANO

R.K SCHOOL VOOR CICLO BASICO,  
CICLO AVANSA, V.W.O EN H.A.V.O.  
VONDELLAAN 14  
TEL. 5822005 / 5822684 / 5831373 / 5828930  
FAX: 5832676, ARUBA  
E-mail: [info@colegioarubano.aw](mailto:info@colegioarubano.aw)

Na alumnonan di Colegio Arubano y  
Nan mayor(nan)/cuidado(nan)

Oranjestad, 15 di februari 2023

### **COLAUA: 2022/2023–151**

Topico: Rooster CP4/SE3 y informacion practico pa diabierna

Apreciabel mayor/cuidado, alumnonan,

Den poco mas cu dos siman e siguiente periodo di CP/SE lo cuminsa. E periodo di CP/SE lo tuma luga diabierna, 3 di maart te cu diabierna, 10 di maart 2023. Adhunto tin e kalender di CP/SE. E kalender tambe ta disponibel riba nos web site <http://colegioarubano.aw>. Consulta PLT pa e contenido di cada materia pa CP, cu tambe ta disponibel riba nos web site of via [bit.ly/PLT22-23](http://bit.ly/PLT22-23). E material di SE ta obtenibel den buki di SE cu tur estudiante a haya via mail y mas cu claro, tambe ta riba e website.

#### **Puntonan di atencion durante CP/SE**

- E intencion ta cu despues di CP/SE tur alumno ta inicia nan studiamiento pa e siguiente dia di CP/SE.
- Durante e periodo di CP/SE, tur regla di scol ta keda valido. Principalmente e reglanan relaciona cu uniform.
- Si e alumno ta ausente durante e periodo di CP/SE mester haci lo siguiente:
  - E mayornan ta raporta nan yiu malo prome cu 8:00 am, door di yama scol of door di yena e formulario riba e website: [bit.ly/ziekmal](http://bit.ly/ziekmal)
  - E alumno ta raporta fisicamente na Medwork prome cu 10:00am, semper cu e alumno no tin un resultado positivo pa COVID-19.
  - Unabes bek na scol, e alumno ta entrega e carta di Medwork of e resultado positivo di e test di COVID-19 (no un *selftest*) na secretariado di scol.
  - Si no tin motibo valido pa ausencia, e alumno ta haya e cifra 1 pa e CP/SE cu e no a traha.

#### **Dianan di inhaal di CP y SE**

Esnan cu pa motibo valido no a traha CP of SE durante e siman di CP/SE, por traha e inhaal CP despues di a entrega e carta di Medwork of e resultado positivo di e test di DVG. E dianan di inhaal CP ta para riba e rooster. E fechanan di inhaal SE ta para den e buki di SE. E inhaal CP/SE ta tuma luga despues di scol. Pa participa na e inhaal CP/SE, e alumno mester ta na scol den dia y a sigui tur su lesnan segun rooster riba e dia di inhaal.

## **Procedura di Medwork**

Medwork tin e siguiente procedura:

1. E alumnonan cu pa motibo di enfermedad ta haya nan stroba di participa na un CP, mester raporta fisicamente e mesun dia, entre 8.00 y 10.00am na Medwork, semper cu e alumno no a test positivo riba COVID-19.
2. Bistimento di tapaboca ta opcional, solamente si e alumno no tin sintoma di griep.
3. Si e estudiante ta positivo pa COVID-19 no ta necesario presenta na Medwork. Un prueba di ta positivo pa COVID-19 di DVG ta suficiente pa por haalin CP/SE.
4. E costo di e consulta na Medwork ta Afls. 35.00 y tin cu ta paga door di e alumno of un mayor. Tin un mashin di ATM na tur dos locacion, pero por paga cash tambe.
5. Pa e cita, e estudiante mester bin cu un ID valido of e carnet di scol.
6. Medwork Caribbean N.V. no lo sumistra niun informacion tocante e alumnonan na tercer persona.
7. Despues di control, e alumno lo haya un declaracion firma di e dokter di Medwork Caribbean N.V, cu a control'e, den unda ta indica si:
  - e alumno pa motibo di e enfermedad por participa na CP of no;
  - e duracion di e malestar.

Medwork su localidadnan ta na Tanki Flip y San Nicolas (Bernhardstraat 101).

Solamente, alumnonan cu no tin transportacion y ta biba pariba di brug por haya un consulta telefonicamente via 587 8880. Por yama solamente entre 8.00 y 10.00 or'. Siguientemente, Medwork ta facilita e procedemento di pago on-line y consulta.

## **Rooster di diabierna**


Diabierna awo tin Jump-up. Den e carta di siman pasa a duna informacion extenso tocante esaki. Durante e prome tres oranan di les, lesnan lo sigui segun rooster normal. E alumnonan cu ta participa na Jump-up por laga nan tas den e lokaal cu ta aparece den anexo 2. Nan por haci esaki te cu 10or di mainta. Nos lo reuni despues pa 10.15 na stadion, na e banda di Entertainment Center. Lo atende e alumnonan cu no ta participa na Jump-up di 10.30 pa 12.25 segun rooster den Anexo 3. Relaciona cu Jump-up no lo utiliza e entrada di Vondellaan. Por recoge e alumnonan na e parti patras na e locacion di Emma.

## **Reglanan di bistimento pa diabierna**

Den principio tur e reglanan di uniform cu ta conta pa tur otro dia di scol ta vigente. Pa e Jump-up a bende un T-shirt apart. Alumnonan cu ta participa na e Jump-up por bisti e T-shirt na cas, semper cu e T-shirt no ta dorna di tal forma cu tin buraco den dje. Den e caso ey, uniform ta obligatorio y por bisti e T-shirt despues di e di tres ora di les.

Finalmente, un recordatorio, scol ta cera dialuna y diamars venidero lo aplica e rooster di dialuna. Mi ta desea boso tur un fin di siman largo y dushi!

Un saludo cordial,



T.R. Croes M Ed  
Rector